

~ 16
3416
2



門 へ 16
號 3416
卷 2




47 3133

明霞先生遺稿卷之二

日本近江

宇鼎士新撰



五言律詩

百四十九

與青孔肇贈公實分韻得歸字贈二生
秋風吹賦筆靜夜向燈揮居有閑中卜田無買得歸
生涯於我足入事任他違南海遠遊客携來共掩扉
又得秋字

日暮披襟坐火雲殘暑秋微風窓下斷片月樹頭浮
身但供多病心如羅薄遊年三搖落後也作楚臣愁

明霞遺稿

卷之二

一

小集得流字

碧天寒似水，萬里白雲流。鴻雁年華老，酒杯病色愁。
人閑居未靜，客至興還幽。潦倒三秋暮，相携懶上樓。
又得潮字時，彥明新到自山陰。孝熙歸省山陰，
秋風吹落木，千里一蕭條。孤客携詞賦，薄遊渡海潮。
吟從洛下集，興是山陰遙。不必論霄漢，風流此地饒。

小集得珠字

青年一臥病，落魄帝城隅。意氣輕三輔，功名羨五湖。
人間悲白髮，握裡秘明珠。朋好聊來訪，相携興不孤。

又得臨字

短景風威冷，秋來臥病深。歲時過潦倒，山岳失登臨。
窮路嗣宗眼，弊裘季子金。真言能傲世，浪跡易相尋。
至日尾張澤，生偕芥生見。過分韻還字。

東海壯遊客，同人訪閉關。結交千載見，和曲一陽還。
布褐時名小，蓬蒿世事閑。相看餘意氣，落日向西山。
和米士均對月有懷余及良松二子良時在江
戶。

共是悲秋客，相思向月勞。關山難命駕，杯酒且揮毫。

東海鄉愁切中原病色高心知道無恙莫嘆此難遭

酬石伯卿時伯卿移居城東

卜居南畝畔環堵據林丘經術誰相難詩情獨自愁
風塵厭城市杯酒憶朋遊莫問彈冠事青雲易白頭

其二時伯卿卧病

三秋憐伏枕抱疾奈年二忽見停雲句更慚伐木篇
閑居驚日月高臥弄風烟咫尺非離別孤魂亦黯然

偶作

即使無知己論心莫誤人中原情且厚僻地態非真

四海求兄弟一時嫌隱倫陶潛交未息日二過逢新

偶作

急雨驅殘暑陰蟲報早涼清齋無長物明月有餘光
千古心徒壯五勞病自長如何多感慨秋氣更悲傷

樂甫有病賦贈

故園霜葉盡伏枕洛陽城長劍寒燈色疎鐘殘月聲
往還誰最切留滯自堪驚愈病吾何解吟搖越客情

雪夜重送孔肇時云鄉與公實近也欲舟訪之
余亦懷公實甚因賦

扁舟客欲歸臨別且依二千里勞來往百年論是非
懷人南海遠携手上京稀君有山陰興先看雨雪飛

送東悟定壽二禪師還越後結夏

千里歸蓮社相携出市塵鄉山指白雪客舍惜青春
北雁彌天路中原抱病人知音誰更遇麗藻並傳新

其二

春花滿洛陽歸去海流傍迢遞懷人日清涼選佛場
碧雲愁裡色明月笑中光相看心無恙何論天一方
送良國禪師還越後

天地一閑居年未著書齡慚遇客問情任故人疎
經濟屠龍苦文章畫餅虛無勞就詹尹吾道卜何如

小集得經字

遠遊違始願歲一閑庭過客情俱古新詩眼且青
窮愁須把酒病懶豈談經君看論交地夏雲長自停

又得清字

閑居延友生詩賦幾篇成雨入黃梅節人含白雪情
共憐司馬病獨媿子雲清霄漢如同調誰能薄世榮

賦得池風泛早涼

池邊清吹起，避暑此徘徊。紈扇班姬賦，鱸魚張翰杯。
紅衣恐蓮落，翠帶見萍開。猶有雲峰峻，波間倒影來。

賦得山蟬處二吟

山路登三涉，秋蟬滿耳音。懸崖雜哀壑，密樹亂幽禽。
斷續知風轉，高低見徑深。何來有伐木，終日自沈吟。

小集得風字

即言能避世，炎熱奈墻東。過客詩仍就，貧家酒每空。
林疎漏畏日，雲峻隔清風。倚窓聊寄傲，羲皇未可同。

小集得新字

秋風吹臥病，偏感歲華頻。客至心相見，詩成態轉真。
姓名難避世，藥餌且迷人。却慕黑頭日，初驚潘鬢新。

小集得迷字

頻年耽臥病，誰復笑栖。閉戶教人怪，開筵與客携。
著書聊自適，懷寶又何迷。四野秋光遍，追隨欲杖藜。

八月十五夜小集得清字

同是高秋月，流光此夜清。三更病裡興，千里客中情。
靜借含毫色，寒生擊柝聲。相携皆少壯，偏愧髮毛明。

小集得閑字

病裡尋詩句，衡門幾往還。林丘教興遠，城市擬居閑。
小技疑身後，浮名任世間。即看秋色慘，此日且開顏。
病中作

寥々結交事，千載一雷陳。青眼閑談誤，白頭窮路新。
文章妨謝客，憔悴愧逢人。誰是相傳去，浮名背隱論。
對雪

獨坐憐風雪，開軒把濁醪。蒼間愁鳥雀，徑上壓蓬蒿。
東郭行常少，袁安臥更高。梁園昔日事，授簡在吾曹。
寄孔肇

索居春又盡，新綠滿林叢。夢後西州月，愁邊上國風。
題詩鴻鴈足，伏枕酒杯空。鄉里相携者，誰人調復同。

偶作

不是耽多病，能忘霄漢心。浮名無出處，浪迹豈升沈。
踈懶從人棄，優游厭客侵。千山秋色裏，藜杖自難尋。

其二

過客未全謝，相逢隱几眠。玄談終落彩，筆少翩。
時事吾何解，古情人已捐。此生誰獨往，徒剩阮宣錢。

其三

尚餘年少意，頭髮日蕭蕭。閉戶喧難避，論文賤可驕。
南山曾佐漢，潁水自辭堯。終歲江湖上，虛名遠聖朝。

寄澤丈人維顯

拙宦吾徒事，閑居幾歲聽。忘年憐白髮，閉戶想玄經。
地近人難見，情多雲自停。杖藜何日去，湖上叩柴扃。

送西周倩轄還近江

那將越客病，不共洛生吟。藥餌歸來事，朋遊別後心。
秋高山影落，雨足水容深。唯恐人留滯，春風入竹林。

偶成

即令幽趣足，何必綠林中。跡或時人似，心無門客同。
秋風衣袂破，春色酒杯空。貧病誰相咲，宦途一任窮。

其二

已絕功名意，游閑客日從。赤松何用學，黃石未曾逢。
聞自漸鳴鶴，嬾誰疑臥龍。莫言貧病苦，也有歲華供。

有感

杜門從所好，人事自多違。且問徐公美，終誇子夏肥。
賦成今日是，行苦昔年非。誰復堪携手，西山欲採薇。

其二

難論浮世事，多病幸還多。蹤跡無桃梗，衣裳可薜蘿。
詩名元不管，經術自如何。裘馬輕肥客，徒悲兩鬢皤。

偶作

清狂計自疎，未得遂樵漁。經傳時方棄，文章衆且虛。
心寧河伯大，身不夜郎居。多暇須高枕，何由漫著書。

移居

卜居城市裏，幾處傍囂塵。白眼常違俗，青山尚負人。
圖書堪卒歲，門徑懶迎賓。長者無車轍，休言妨隱淪。
高希勳見過得東字

滿城搖落候客子，問墻東避世時。名累抱痾人事空，
鄉園思海上桂樹，想山中多少來遊者，往還誰意同。

小集得車字

臥病蓬蒿下，門無長者車。青衿悲世路，白髮感年華。
過客心相見，高歌調自誇。長安輕薄子，處事淫哇。

早雪

雨雪今何早，紛似亂麻林。邊魚墜葉籬，下帶殘花。
賦豈千秋色，人俱兩鬢華。舊遊書信斷，招隱憶天涯。

小集得臨字

悲秋歲二深，自和白頭吟。懷擬陵陽壁，囊空季子金。
江湖妨往返，山嶽避登臨。病裡多幽興，唯逢過客尋。
咏鷹

征鴻何自苦，來往路悠悠。秋早胡天冷，春深楚水愁。
風雲群易失，冰雪啄難求。莫使哀鳴訟，人生也足憂。

小集得城字

故國難歸去，閑居是洛城。功名白首志，詞賦紅顏情。
四壁無三徑，傍人愧此生。薄田能負郭，又恐懶春耕。
又得侯字

憶昔青春日，四方思壯遊。簡空梁苑雪，風失楚臺秋。
原憲貧還病，虞卿窮更愁。從來唯藥物，無意向諸侯。

畫鷹

蒼鷹誰所畫，睥睨向青天。千里陰雲破，終年秋氣連。
晴搖飛鳥急，爪側古巖穿。支遁今何在，還逢詞客憐。

送人之加賀

客行愁北陸，積雪柰君勞。金澤途何遠，白山寒更高。
地形元是壯，民俗自無豪。誰苦春光晚，唯知對濁醪。

小集得顏字

歲二京城裏多慚隱士顏，臥唯流白，日與自到青山。
好事營身後，虛名媿世間。經過總詞客，莫怪向玄關。
送人之安藝

薄遊尋道路，舟楫向山陽。地接邦畿遠，水連西海長。
離筵悲雨雪，旅服恐炎涼。巖島風烟足，登臨寬客腸。

咏鸚鵡

幾歲彫籠裡，語音憐爾奇。羽毛寧獨美，口舌坐相羈。
處士當時賦，芳洲後代悲。不傳征客信，自慘故鄉離。
歲杪小集得知字

北風吹四壁，歲暮轉淒其。病色妨沽酒，年華且賦詩。
浮雲時論謬，流水客心知。明日春光到，經過更可期。

又得為字

聖朝無棄物，詞賦獨何為。畫餅甘人薄，棘猴徒衆疑。
醉鄉難自在，藝苑少相知。雨雪年將盡，微君好共誰。

又得陽字

把袂論文地，古情何共長。一時憐隱逸，千載見芬芳。
代野藏騏驎，岐山失鳳凰。却嗟輕薄子，各自泣陵陽。
又得歌字

出處非吾事，那聞衰鳳歌。功名成感慨，歲月惜蹉跎。
草徑當丘壑，綿裘擬薜蘿。誰知携手意，歲晏此婆娑。
又得杯字

子墨翰林開相知，幾往來問奇。能載酒，抱病自停杯。
世路唯疲馬，文心未死灰。君看勲業事，獨任史臣裁。

又得逢字

陸沈何自歎，知己本難逢。多病悲司馬，薄游思曼容。
功名唯寂寞，形影轉龍鍾。詩賦真何物，揮毫尚未慵。
除夜同希勲賦懷慶文

携手憐同調，如何少一人。詩篇情並古，歲月事將新。
京邑嫌風薄，田園羨態真。明朝南畝畔，誰共賞青春。

其二贈希勲

誰咲世途窮，明時四壁空。春開詩賦際，年盡酒杯中。
對雪孫康意，閉關揚子風。萍蹤何必問，憐爾調相同。

二月六日同由高賦得雲字

門迳無過客，蘄盟同舍尋。雪乘遲日下，春向煖風深。
不有紅花促，何堪白髮侵。病來心自遠，郊外約登臨。
又得棲字

明時臥城市林麓合幽棲貧病教人笑行藏那自迷
異居誰見問同調此相携潦倒停杯酒青春幾歲暎
又得逢字

不才還抱病聖代枉相逢戶閉徒題鳳吟成非臥龍
城中遷徙倦陌上往來慵窮路元吾分林立爭寄蹤
又得憐字

東風又一年屏跡尚依然時事衡門外春光彩筆前
他鄉寧自異同病少相憐世態浮雲外交遊感慨偏
又得遲字

攜手他鄉客相看笑數竒宦無司馬巧賦有長卿遲
名姓論千載風光憐四時郊原花鳥遍何處更追隨

又得難字

多暇携詞客病愁聊且寬雲烟春淡雨雪日漫
才調相知易交情能久難君看王貢事千古羨彈冠
小集得花字

潘岳閑居陋何知一縣花青樽無歲事白髮有年華
病久唯堪臥詩成未足誇往來人幾許三徑愧陶家
又得東字

風昔乘桴意居然阻日東詩歌從日側書劍笑途窮
朋好城中有酒盃林下空五噫心已切幾歲滯梁鴻

海棠

何言無解語相對自依爛熳春相媚婆娑風且微
梨花俱暮雨菡萏異朝暉元是多情物殘摧未肯飛

送人之土佐

不問行程遠其如舟楫難地偏山似塞水激海為湍
極目南天盡思家北斗寒到來花已落杜宇叫雲端
送人之阿波

舟船何日返回首碧天中晴靄山陽遠海波畿內通
孤愁花柳老好事友朋空南地薰風早鄉園思不窮

鷓鴣

亦得羽毛生春風日弄聲桃蟲多難意巧婦醉吟情
感起能齊物賦傳終著名隱拙吾未定羨爾一枝成
有感

讀書何所為落魄聖明時人事休耽病年華逐賦詩
東西難自在咫尺易逢欺山下薇方長聞來也可疑

其二

西山薇漸老，携手與誰歸。一世紅塵是，千秋彩筆非。
豈圖鴻鵠志，空慕薜蘿衣。臥病停杯酒，斜陽自掩扉。
其三
薇微何處美，坐惜老青春。玉石俱詞客，乾坤此病身。
赤心將世異，白髮逐年新。莫問千秋事，還知不及人。
其四
採薇猶未得，病裏詠空成。薄俗妨經傳，腐儒慚姓名。
寧論當世事，唯見古人情。幾歲蓬蒿下，龍鍾嘆此生。
杜鵑

滿目傷春勉頻。杜宇音當年亡國恨，終古旅人心。
飛去殘紅盡，投來新綠深。可憐窗外月，慎勿使相侵。
西黎獻至自尾張遊于攝津旋還賦贈
薰風離別後，三歲歲寒心。江海遊能壯，蓬蒿臥自深。
論文塵事少，把袂夕陽沈。明發還南畝，墻東幾日尋。
中秋雨孔彪書及詩適至却寄
三秋明月夜，陰雨自濛濛。邀客青尊背，懷人錦札通。
雲停陶舍靜，風冷庾樓空。閉戶無佳興，詩篇愛爾工。

秋日早起

秋高風物悲，曉望轉淒其。氣混西山爽，影分東嶺奇。
閑庭蟲立滅，豐草露仍滋。衆鳥營何事，飛鳴似競時。
秋夜作
狂風愁夢驚，假寐已三更。夜色凌燈色，蟲聲讓雨聲。
五車妨世事，四壁咲吾生。不作遊梁賦，徒成多病名。

其二

秋雨何蕭瑟，披衣坐夜闌。月空窓紙濕，人病酒盃乾。
薄俗交難結，舊遊盟易寒。白頭存意氣，未必問彈冠。

蟋蟀

一自感新秋，哀鳴夜二稠。乘涼催歲暮，雜雨呼人愁。
誰共唐風樂，相憐楚客憂。孤床聽不得，起坐五更頭。

送純叟師還出羽

紫陌拂緇衣，蕭條何處歸。鄉山爭雪到，驛路競霜飛。
高臥憐詞客，勝遊思帝畿。摩尼君自愛，故舊見光輝。

送叟師還西海

滄溟二千里，歸去路悠二。風物憐京國，波光傍客舟。
白蓮心自淨，黃葉跡俱愁。麗藻誰傳得，故人逢惠休。

送懸解師還西海師時二在浪華

來遊知幾歲，故國夢迢迢。帝里堪觀世，海門時聽潮。
歸心明月切，詩興素秋饒。却惜陶家別，疎柰柳條。

寄慶文

田家農事急，別去洛川湄。驚蝶春花落，鳴蛩秋草衰。
交非中散絕，文豈北山移。書札君還懶，加餐在幾時。
中布通醫伯，五十壽詞希。通仕在加賀。

彩毫將彩服，稱壽仲冬天。北地迴春雪，上池成酒泉。
共知醫國手，且見杖家年。却老元能事，南山更幾篇。
送三浦氏之江戶，三浦仕土岐侯。

經過纔屈指，三徑又相辭。書劍君論世，風雲我失時。
回頭千里恨，携手一篇詩。東海方多士，心知更是誰。
周倩見過同布勳，賦得清字。

十月餘秋興，閑居物色清。風微霜葉駐，雨久石苔生。
榮辱隨詩品，升沈絕世情。過逢心亦遠，不厭款柴荆。
安生見過同布勳，賦得山字。

即是無希世，年々奈閉關。風煙空綠酒，夢寐入青山。
書劍多同異，蓬蒿少往還。誰知千古事，臧否任人間。
又得隨字。

董帷君不窺過訪此何為把臂論交僻披襟作賦奇
世間勞睥睨病裏共追隨寔元吾道衆人寧用知
又得常字

病裏幾秋光春風猶自傷知名驚四十服藥獻尋常
叢桂難招隱幽蘭且玩芳詩篇是何物却落少年場

偶成

屏跡誰相怪乾坤一病身風霜添白髮盃酒駐青春
世事看遊戲詩名誇隱淪却慚江海上未逐釣魚人
除日與希勳分韻得頭字

人事歲除稠相看詩興幽春遲風色寒冬暖雨聲愁
還往憐青眼行藏感白頭自誇揚子宅此日轉優游

又得門字

歲除休對卷詩賦且開尊自掃陳蕃榻還窺董子園
年光驚四海春事待千門獨有烟花約世情何足論
早春與希勳分韻得逢字

病色侵新歲寒威苦杪冬春和詩賦動人對酒杯慵
燕客徒憐石葉公寧好龍由他多少士此夜不過逢

又得雲字

世事彼紛々幽情不可群同時徒載酒異代豈論文
臥似袁安雪思俱元亮雲春風三徑靜携手向宵分
又得霄字

未愁無客到春事奈蕭條雲影疑秋雨風聲似海潮
睡眠憐白屋奔走笑青霄誰復耽多病能知賤可驕

小集得山字

何來耽伏枕三月未開顏雪駐愁中鬢花殘病外山
經綸千歲見詩賦一時閑鄉里誰相訪遠游多往還
又得陰字

四方休裏足栖息帝城陰幾歲相如病何鄉莊舄吟
客來俱載筆春晚且披襟謝屐非無興青山未可尋

小集得歌字

寒雨奈春何問竒逢客過青年悲往事白雪和高歌
燕石收藏密隋珠睥睨多明時君莫怪夢寐在山阿

小集得關字

豈不厭塵寰貧來難買山舊遊添白眼高臥失紅顏
梅福無吳市梁鴻尚漢關狂歌共過客聊見屏居間
小集得多字

首夏愛清和良時奈盡何
墜紅推徑草新綠競庭柯
久病從人棄高歌豈自多
遠遊誰所使載筆幾經過
遺榮吾豈敢多病奈支離
酒自三春止裘猶五月披
招尋親戚絕還往客游知
河朔無高興南風共感時

東坡遺集 小集得離字
東坡遺集 小集得離字
東坡遺集 小集得離字
東坡遺集 小集得離字
東坡遺集 小集得離字
東坡遺集 小集得離字
東坡遺集 小集得離字
東坡遺集 小集得離字
東坡遺集 小集得離字
東坡遺集 小集得離字

白露猶炎熱狂風雨滿城
當窓愁暮色入樹怒濤聲
人絕銜盃意秋搖作賦情
休言病羸久此日遇枚生
春寒

水雪賞春難東風二月寒
陰雲遲日短殺氣小齋寬
鳥過林園寂人慵酒盞乾
陽和消息遠病裏更無端
唐彥明赴三宅先生喪不數日而歸賦以送之

邂逅其如爾春光滿帝州
波濤千里志梁木百年愁
杯酒無高興烟花憶舊遊
經過猶未幾歸帆去難留
送月海禪師輅還肥前

帝鄉君幾歲今遇故鄉人
舊識元非舊新知未必新
蓮花求喻法茶竈返同塵
唯有雲間月咲來隨客身
哭兒大卿

大卿讚岐人居洛業醫晚為志學近請余講
春秋而余不果大卿為人肥大卒日無病病
數日而卒年四十三余悲其志云

海邦何歲辭京洛夕栖遲荀况年猶少孫弘學可期
豈圖松柏質不耐雪霜時嘆惜唯方技壯心誰復知

五架紙

五架山在越中之南加賀之東製紙甚精可
以揮瀉也余甚愛之以為賦云

佳紙來何處北州侯國傍玲瓏知水淨鎮密見工良

山月臨紈素海風吹雪霜日東多少品獨作翰林光

和妙乘上人宿平流山勝乘院次韻院有蛇石

世傳昔有靈蛇戴西域靈鷲山良峰以來蛇

化為石院在琵琶湖上距彦根二十里許云

西域擬飛來千秋蛇石開地連城郭起天帶水烟迴

結社君堪遠絕塵吾豈雷病深居士室躡屐負崔嵬

重次妙乘上人韻

古寺幾年來山臨湖水開舟行稀客到雲臥有僧迴
風物空中色詩篇默裏雷追隨期自遠幽夢且崔嵬

送大典禪師之江九

車馬置塵地胡為君遠遊江山千里路海月一輪秋
麗藻非逢問明珠且莫投不言分手暫緇素更無儔

其二

千里兩都際悠々幾往來悲秋非爾事作賦讓誰才
大海窺樓結高山望雪催禪心無住著風景或徘徊

相國丘禪師見贈松子

長松成巨實霜後落風前膏帶芳芳繞珠含鱗甲連
幽栖新起思靜夜幾驚眠如許携藜杖盤桓向樹邊

咏松蕈

山松多露滴林下擢秋莖幽跡元難覓清香却不輕
餐非黃菊落採豈紫芝榮坐遇人相贈塵寰慰此生

咏柿子

園林搖落際黃赤自相依先感嚴霜氣終含愛日輝
心情通塞別形影是非微賦客多消渴却令清賞稀

咏冬菊

仲冬芳菊披不受霜雪欺紅葉憐違眾黃花甘後時
可借陶令節或慰楚臣悲梅蕊無消息園中轉擅奇

和江生見貽冬菊

秋風時菊盡更發一叢秋觀久幽情足感深端坐愁
散金逢雪媚總翠歷霜稠相憶聊相贈清竒不可酬
看菊花有感

黃花發綠叢籬下照墻東憂世湘江夕感時汾水風
託幽心轉切招隱意無窮唯有徵君酒千秋興不空

送貝白二生還日向

寧親携手去計日進舟船不問風波險豈言霜雪連
客程爭歲盡鄉土恐春先京洛多離恨夢回何處偏

其二

京城同舍客不染陌頭塵久憶鄉園月今歸海國春
紅顏憐爾舊青眼遇誰新遊跡如相問時過閉戶人

中書管公介翰林管公同見枉駕賦二律以奉

謝

蓬戶春風動高軒過貴然一珠元自照雙壁忽相連
華胄詩書永美才綸綽全主人唯臥病更愧二毛偏

其二

洛陽文學地今日古情虛豈謂簪纓客猶尋布褐居

珮聲分鳳閣，劍氣合蝸廬。微賤如無厭，酬知意有餘。
偶成

寒風捲飛雪，二月鎖青陽。郢曲他年擬，越吟今日長。
山資何所辨，酒債自堪償。不寐春宵永，落月隱西牆。

送青生還周防

鄉書促歸客，京洛屬春殘。海國芳菲在，晴波舟楫安。
交游於衆少，離別為誰難。唯道陶家柳，重來載酒看。

送川生還出羽

北州何日辭，上國幾人知。儒術難從好，醫流寧自卑。

殘紅餘賞意，新綠奈歸期。離別愁長路，且嗟音信遲。

七月偶作

處暑猶炎熱，亦知秋氣清。西山朝爽動，南牖晚涼生。
鈎月妍先媚，火雲竒欲平。陰蛩訴何事，夜益哀聲。

送度春生還伊勢

負笈似青衿，時從洛下吟。秋風驚客夢，海國促鄉心。
感慨寧鱸膾，逍遙自竹林。重遊相約去，莫使歲華侵。

送堀孝思遊江戶

東海莫相輕，今來是上京。雲烟知地僻，謠俗見時平。

富庶堪興歎，豪華足樂生。田風斜雨裏，忽動故園情。

其二

東遊千里程，相顧有同行。霜露鄉心切，河山客眼驚。
武昌魚惜美，建業水思清。病裏傷離索，歸來幾日迎。

寄孝思客江戶

君去海雲東，誰人客意同。長途書自早，永夜夢相通。
籬菊寒花盡，園林落葉空。况看風土異，感慨轉無窮。

其二

百年名利地，滿目但囂塵。慷慨逢何物，風流聞幾人。

圖書難訪隱，杯酒豈辭貧。鄉國青山色，遙令愧我身。

寄福生

一別嗟風雨，又聞千里遊。客心東海月，鄉夢古畿秋。
蓬草供多病，山川入四愁。窮來添白髮，轉見歲華流。

送嵐法眼還越後

上國春方好，北州人自還。野花嬌客路，臘雪待鄉山。
詩賦慚吾拙，畫圖多爾嫺。風光更堪樂，來往再遊間。

孔肇自南海到數日而還

豈倦田園樂，重遊有舊盟。十年風雨別，尺素弟兄情。

相見綈袍苦自憐，華髮生高秋。多感慨，客裏爾偏驚。

其二

獨往元君事京城，况昔遊欲同。黃菊酒且見，碧山秋
明月催鄉思，涼風入客愁。心知吾自少，何耐送歸舟。

九月十日諸子過得回字

文章多少事，病裏自遲回。久擬虞卿著，終慚揚子才。
黃花經節閉，彩筆為人開。不必無過客，其如換往來。

諸子又過得中字

載筆經過客相逢，一室中遠遊。鄉各異高興，調能同。

惜日逾愁短，畏途終任窮。尋常耽伏枕，輒此坐秋風。

又得餘字

不賴同心到，那堪城市居。交遊輕布褐，事業薄詩書。
病久才先盡，身疲感有餘。山川便非乏，難可逐樵漁。

又得誰字

端居意自悲，客到不違期。晚翠風林奮，殘紅霜葉持。
小齋聊煎茗，遠興共裁詩。河嶽多幽事，杖藜知待誰。

又得容字

風烟慘孟冬，青眼客過逢。日下非鳴鶴，池中豈臥龍。

病深唯潦倒詩就且從容君看庭柯色霜前綠為濃
病中兩夜作

坐臥廢書卷沈沈夜幾更鳴鐘雲外遠擊柝雨中清
杯酒何當把燈花底事榮閑未多所感丘壑有餘情

其二

雨聲冬景短永夜轉堪悲征雁驚陽動啼鴉倦曉遲
不眠憶往事空老愧明時養病妨過客終將謝問高
病篤謝來訪諸客

伏枕謝過客相知或臥迎死生憂共切兄弟義寧輕

世態寒冰薄交情愛日明春風如得起携手興縱橫

余病篤甚林芹二生日見來看蓋以余貧弱
親戚或不願乃益感二生賦贈

多病元吾分如何二豎窺臥艱余自重亦苦杖翻危
俗流親戚逐古道友朋知日君相願愁襟每為披

余病篤榻時中憂之故自大坂來訪云所見不
如所聞喜甚賦謝

人間爾多事舟楫那能來論交身豈重問疾意無回
忽見梅花早已從風雪催索居勞想像握手兩眉開

題望生墨畫水仙花

幽花本仙種，妙畫亦仙才。秋日春光動，暑天寒色回。
金銀形影別，綠翠淺深開。北地將南土，寧論早晚來。

明霞先生遺稿卷之二終

明霞先生遺稿卷之三

日本近江宇鼎士新撰

五言排律

哭物先生四十韻

海東開大業，日下擅高名。禮樂探三代，文章軼二京。
前脩心不昧，後進路將平。一旦微言絕，四方永歎盈。
關門脩散紫，星宿遂收精。藝苑亡模楷，士林憶會盟。
翩元記室赴，亦干城渭水難。垂釣滄浪且，濯纓
詩歌寧弄翰，韜略匪佳兵。手握千年契，眼持萬古衡。

雲霞新氣象，金石樹風聲。虎豹何人變，鷄鵠幾處驚。
素功騶衍律，好事子喬笙。寥廓鶴鵬舞，朝陽鸞鷲鳴。
佐時君獨許，光國衆俱營。舟楫堪為濟，鹽梅肯作羹。
沈淪真傳築，娛樂是莘耕。白雪才華發，彩毫物色明。
侯家仍置醴，使者乍搖旌。趙氏歸和璧，晉廷羨楚珩。
閑居終偃蹇，逸興轉縱橫。祭酒推荀况，辭宗識馬卿。
亭無嘲寂，磬豈鄙經。世稍窺懷寶，躬翻夢坐楹。
鱸祥非所至，鵬識柰其成。聽笛篇誰有，招魂調共清。
它鄉襍走鱷，茲地曷騎鯨。珠玉重泉沒，簡編兩曜爭。

經疑傳魯壁，身訝脫秦坑。遺德應敦薄，餘音尚解醒。
書紳余始願，負笈此孤情。歲月供多病，炎涼喪遠征。
杏壇方欲入，梁木忽云傾。已矣登龍豔，焉求附驥榮。
執鞭留太史，結韉失王生。匣裏憐竿牘，天涯問墓塋。
青春饒怨恨，晴晝掩柴荆。哭泣枯雙淚，憂愁滿八紘。
九川徒漾蕩，五嶽枉崢嶸。吾道還長夜，那因見景行。
哭向先生

客星前夜滅，雲霧鎖青陽。郢曲歌仍聽，岱遊去已長。
詩名君舊貴，經術世無妨。補闕亡時代，拾遺背廟堂。

折衝人所許，排患衆難量。招隱何勞賦，考槃自有章。
枚乘才不老，干木德逾光。黃卷三餘苦，白頭百鍊剛。
寧須荆玉泣，唯玩楚臣芳。博物終嫌著，先賢却足方。
共言松柏茂，豈料棟梁傷。蘭室春香絕，杏壇暮色涼。
雞窓閑落日，龍劍靜空牀。知遇誰偏感，交驩我敢忘。
清風常起病，和氣亦容狂。那待聞鄰笛，坐來催淚行。

十五夜

佳期天上月，清興世間宵。人靜秋蕭瑟，客空坐寂寥。
謝莊無此土，庾亮有前朝。冠蓋風流盡，蠶塵氣色驕。

綠叢寒影轉，白露冷光饒。更照巖阿意，偏臨桂樹條。
賞菊花

秋高凋百卉，黃菊轉堪憐。乘待淒霜傲，花含冷露妍。
清芳分畝蕙，佳色謝池蓮。楚客離騷際，漢皇祀土前。
季鷹心那慘，元亮興常偏。招隱糴糧足，應延作賦年。

六月二十五日小集分韻得烟字

白屋九重邊，綠陰三伏天。興同河朔飲，傲擬竹林眠。
還往常裁賦，浮沈共守玄。交情堪沒齒，才調本忘年。
休問登山屐，猶餘買酒錢。羨君無疾病，四野賞風烟。

寄杉樂卿

離別訪牆東，病來杯酒空。憂時吾所獨，玩世爾堪同。
藥裏開顏外，詩篇側目中。虛名將薄祿，小技寄微躬。
宦咲安仁拙，途從阮籍窮。西風林下滿，還惜一書通。
奉賀侍從管公進少納言

幾年霄漢路，留滯聖明時。正遇鶯遷節，新開鴻漸儀。
松筠經臘雪，梅柳入春曦。捧日心無負，凌雲賦可為。
天顏如見喜，世眼豈須知。萬里雄風動，飛騰更有期。
中納言管公挽詞

清德月卿推名家，野老知簪纓。希鶴髮，臺閣仰鴻儀。
白壁元無玷，青蠅何得欺。朝天聞去歲，遊岱歎今茲。
附驥非迷路，登龍奈失時。空將三載望，長作九原悲。
且問明人誌，寧論國史辭。沈痾堪執紼，陋巷坐題詩。
詠荷花

六月荷花擢，清涼且卓然。朝陽聲一發，池水影俱妍。
白羽迎秋早，紅衣當暑專。容光非露借，香氣或風傳。
蜂蝶寧知慕，泥塗自不緣。何年吾卜築，並種色相蓮。

七言律詩

明霞遺稿 卷之三 四

奉和大潮禪師見寄

一曲悲歌淚數行，誰憐逸氣為誰揚。
未將丘壑供遊跡，欲避風塵入醉鄉。
明月夢懸滄海遠，白雲心住洛陽長。
因君忽解人間道，不謂波瀾似呂梁。

寄杉以成

抱疾當年罷壯遊，山陰一去杳難求。
文章曾識千秋意，杯酒俱寬百歲憂。
落月西窓征雁遠，長風北海白雲流。
紛飛雪孤城夜念，我應思剡曲舟。

偶成

落魄間闔三十秋，黍離風物不堪愁。
五噫關外何妨去，多病周南且自留。
滄海濤聲詞賦壯，赤城霞色画图浮。
少年未識凌雲氣，路上相逢笑弊裘。

寄坂士清坂在大坂

鴻雁紛_二滿素秋，尺書知爾苦相求。
他年薄宦天涯跡，今日窮愁客裡心。
明月更高淮海氣，青春却憶洛陽遊。
故人十載仍多病，頽向江流命片舟。

奉酬大潮禪師見寄

宿昔曾從祇樹林，清風相對此披襟。
且疑葱嶺看顏

色尚憶蘇門聽嘯音病起自憐陶令酒興來誰共浴
生吟寐寥元是吾曹事休怪衡門綠草深

奉寄物先生五首

余與士朗自始學慕先生久矣而余與母氏
俱罹疾也士朗亦不能走謁嗚後數年母氏
既起余亦稍瘳於是士朗先往見先生而歸
然余猶未能遠遊則修書以通志焉至丁未
四月先生有殿上之覲而是歲余疾有加
不能致賀明年正月疾稍減且自修書既踰

三歲也乃為賦詩欲以書致之業已脫稿屬
先生之訃至蓋十有餘年之志一夕而空矣
姑錄其詩以擬掛劍之義云

才華新照日東東經學兼傳見國工治世音從門下
盛大王風借筆端雄時名難著潛夫論朝議堪裁白
虎通海內少年多俊傑不言西蜀有文翁

其二

公侯邸第舊知名更入君門被寵榮國器自看梁使
者朝儀誰問魯諸生挾天藻奪青雲色表海歌傳白

雪聲千載幾人同，盛事何論今日世中情。

其三

帶礪時清六十州，揮毫非復楚臣愁。門生殊有西京氣，座客還應北海流。不見儒林擗藻妙，何知台鼎和羹優。張華平日能憐士，寧厭長携二陸遊。

其四

洛下風流杳不傳，文章誰問漢皇年。賈生未遇河南守，蘇子先知鬼谷賢。石室難探千載籍，金刀且擬四愁篇。病來心事多相背，伏枕春風轉自憐。

其五

書生清世競談經，獨自蓬蒿遠戶庭。千里風光違絳帳，十年霜色鎖青萍。關東長滿真人氣，湖上猶微處士星。非有雙魚傳尺素，狂名那得歲時聽。

送人之江戶

離別黃梅雨色中，相携不復哭途窮。酒杯一盡親朋遠，雲樹千重驛路通。轂下誰憐遊子意，海天堪見大王風。知君新入何門去，彩筆還干氣象雄。和谷士清浪華橋上見寄之作。

浪華橋上一憑欄，細雨冥冥暮色寒。
江遠千家通瀚海，雲連萬里鎖平安。
風塵歲晚懷人切，烟霧舟迷乘興難。
水國寧無龍卧靜，明珠試向夜光看。

寄玄海上人

春風昨日過柴荆，幾度相思對月明。
抱病秋高居士色，談空雲白道人情。
難經許掾來何處，辭社陶潛嘆此生。
精舍不容杯酒客，寧妨詞賦片心清。

文琴不見酬詩賦以索之

誰憐伏枕二毛侵，幾度逢君臥裏尋。
湖海此時相見

傲乾坤異代共知心，投來明月從青眼。
聽得高山入素琴，已道同歡堪濁酒。
寧無愈疾作清吟。

偶成

仲蔚蓬蒿長滿庭，寒蕪似草玄經斗。
牛雲隔雙龍氣，湖海天寬一客星。
抱裡玉光人自駭，望中山色眼相青。
詩篇會有神交在，莫遣商歌世耳聽。

漫興

臥病年三計已迂，曲中山水興還孤。
濁醪自愛嵇康傲，白眼徒窮阮籍途。
四壁家知千載似，百年心見一

時殊登高作賦須隨意今日誰煩漢大夫

寄贈櫟谷江山人

谷口幽居獨掩扉奈吾心事病中違文章自見青山色
朋好相投玉案稀西望閑雲川上泛朝來爽氣樹梢飛
即今咫尺難過訪安得同裁薜荔衣

詩成未寄山人山人同獨麟禪師見過乃以示

其詩更賦一首

丘壑相思欲寄詩却携禪客到茅茨葛巾高共彌天氣
布褐清如入社時誰識陶潛真隱逸自憐康樂有

頃虜西山明日君歸去酬我寧無桂樹枝

贈獨麟禪師禪師自攝來洛余亦欲詣其舍以

問之則辭以出遊無方乃賦以謝之

緇素新知語未深衡門草色夕陽沈衲衣還看青天
相詩賦堪論白日心獨往路疑從漲海並携人似向
東林倏然飛錫歸何處蹤跡塵中不可尋

哭江山人山人攝津人家世賣酒破產來寓平

安遂隱西山云

即見才名老更新豈圖詩賦竟憎人蜀中酒肆懷司

馬谷口巖栖失子真處士星虛湖海夜西山歌靜巖
薇春秋風元自悲離別况復交情幾歲親

贈勝世祥世祥自攝津來欲見余而無紹介既
踰數月而後乃來過且示以詩焉

玄亭寂寞草萊深一曲新聞郢國吟多病惜吾違載
酒獨遊憐爾失知音璞從和氏逢人識劍在豐城有
客尋更欲論心看白日愁雲暝雨莫相侵

答士清見寄

幾歲青山欲避喧曳裾何用入梁園子雲老去應詞

賦元亮貧來且酒樽布褐塵埃俱玉石蓬蒿日月也
乾坤江湖自有相知在懷抱時從雙鯉論

其二

那歎清時共陸沈酒杯唯恨隔知音望來明月秋光
老曲裏高山爽氣深吳地鱸魚應自得洛陽風物好
誰尋閑居還少觀濤興多病偏遭白髮侵

擬長安春望

二月春風幾萬家登臨轉足見年華鶯聲晴滿章臺
柳霞彩時迷上苑花山遠漢宮佳氣近樹連秦塞暖

烟斜翠樓朱閣笙歌裏遊子誰思故國賒

松鶴篇恭祝小倉笠原侯時公在江戶為其學

生石正恒作

城郭高開西海頭長松鬱鬱鶴群遊翰臨賜復翻千

仞樹表分封秀九州邸第奉觴來氣色江湖授簡共

風流遐齡幾度逢稱壽併向齊歌綠竹秋

和荅士清

秋風無盡浪華城獨上江樓客更驚露重蕙葭連木

葉寒催鴻雁逼蟲聲斗牛氣入浮雲暗滄海珠從孤

月明咫尺自憐張翰興友朋還負呂安情

秋日寄伯耕

南海風烟望上京知君重憶客中情五噫恨向青雲

遠九辨悲將白髮生握裡明珠憐合浦携來寶劍惜

豐城舊遊若問離居狀獨對蓬蒿夜月清

擬登黃鶴樓

一從飛閣起磯頭詞客登臨幾壯遊鸚鵡洲荒名更

出仙人駕去跡還留白雲自見千年色玉笛誰思五

月愁世事悠三逐江水空令感慨滿長流

擬唐人行經華陰

太華山陰縣路東馬頭回望向晴空三峰迥表皇居
壯五指高懸仙跡雄紫陌塵沙何日斷青雲書劍幾
人通獨憐歲長為客來往虛過驛樹中

答人

書劍聊携市井傍誰言璞玉羨陵陽閑來自許千秋
業病裡先逢兩鬢霜豈向聖朝勞吐握不將疎拙卜
行藏交游便見多清興憐爾新知意獨長

送杉樂卿歸播磨

中原未盡客遊情歸去山陽海上城明石尚留秋月
色高砂更起古松聲藥囊三世箕裘意賦筆千年竹
帛名多暇興來能擁鼻相携誰復共吟行

平戶平君仕松浦侯而遊洛為醫者十年今茲
公召至江戶尋使罷醫為儒君之在洛授經於
三宅先生而近與余以文交焉乃賦此寄之

公侯第宅鬱相望憶爾徘徊技更長玉版忽驚為俎
豆靈蘭還許作文章天涯蹤跡疑時命客裡風流見
國光才子窮途多賣藥莫言遭遇是尋常

其二

東都薄宦苦紅塵，獨自從容席上珍。
 經國寧論醫國事，折肱元學曲肱人。
 鶯遷此日儒林茂，鴻漸何年泮水新。
 西海終應歌綠竹，恩光且羨照青春。

其三

舊遊相遇意俱長，問爾年年在洛陽。
 梁翰誰人曾視草，傳經何處也升堂。
 杏壇已奪林頭色，橘頌堪偷井上芳。
 行樂更能沽美酒，醉從漁父和滄浪。

歲杪偶作

漢代文章事已閑，著書長閉子雲關。
 三冬霜雪偏衰鬢，四海交遊獨病顏。
 但使知音從綠酒，寧愁屐跡負青山。
 由来寂寞非時好，一任浮名滿世間。

早秋偶作

衡門晝閉少將迎，長夏披裘嘆此生。
 湖海百年多病色，風塵一日薄遊情。
 梁鴻感慨歌空就，叔夜踈慵書味成。
 處處山川秋漸遍，濁醪聊載白雲清。

小集得雲字

梧桐葉動南薰萬里秋，風未可聞生事何人新寄。

興年華幾處感離群，閑居猶少閑。三遷親友還，能傳片雲詞賦，相知相過訪。從教白髮漸紛。

中秋不晴示青霄二生

城上愁雲含月輝，蕭條同掩洛陽扉。中原詞賦人相得，南海鱸魚客味歸。四壁寒從砧杵動，千家興向酒杯微。莫言此夜佳期負，吾輩猶存彩筆揮。

酬士均九日見贈

佳節登高興，卽長西風終日對空堂。相憐豈問非同病，獨坐惟疑在異鄉。白髮歲添窮路色，黃花秋借濁

醪芳不知落帽人何處，共惜龍鍾市井傍。

澤樂甫將還尾張云，明年孟春復來遊賦以送之。

中原名勝幾登臨，秋氣偏催客思深。詞賦千年搖落色，友朋三月別離心。故鄉便及鱸魚膾，去路堪聞鴻雁音。共識壯遊無限興，春風明日好相尋。

樂甫將發為事所阻賦贈

憐君故國未歸來，朋好經過更幾迴。客裡雲山秋色盡，夢中滄海月明開。感時重問黃花賦，惜別聊停濁

酒杯不是陽春同調，在何堪朔雪異鄉催。

送唐彥明還安藝

幾人書劍遠遊間，誰羨家鄉輜自還。積水光隨愁裡，
月晴烟影落夢中山。即看為客詞華長，却怪談經生
事閑。年少相知能載酒，京城重憶子雲關。

送青孔肇輜還南海

青春抱病嘆歸歎，且向紅塵卜客居。踈懶養生將著
論窮愁懷古味，成書故衣幾。歷他鄉雪長，缺今逢舊
國魚海上，新年風物好，故人杯酒莫躊躇。

寄孔肇

故國春光誰復俱，昔遊千里憶皇都。俗成巴蜀難傳
檄，時變關門不棄繻。四海友朋人事足，三更燈火客
心孤。當年抵掌堪相話，却是龍鍾一病夫。

示篠齋明北諸子

臥病憂生強自寬，客來床上起相看。烟花寐，三春
盡風雨蕭。五月寒明主同時，嫌獻賦，故人前代羨
彈冠。獨憐才子新知我，不怪金門玩世難。

小集得無字

登高作賦負微軀誰許當年漢大夫術就蘇秦遊不
遂時危韓子憤空孤一生盛事知多少千古狂名定
有無何耐朱門勞磬折客星長照向江湖

小集得書字

青春抱病小閑居風物空驚歲事除橋上難題司馬
柱城頭可射魯連書薄游魏闕心長絕獨往滄洲興
有餘此日朱絃君自聽塵寰未必羨吾廬

小集得中字

三時臥病厭墻東潦倒停杯濁酒空白髮新驚秋興

際青山無恙夢遊中策筴寧羨逢燕主射策休論失
漢宮不是歌成携和客何堪獨往滯梁鴻

早春偶作

終年臥病閉柴荆又見春烟庭樹生山水本期塵外
跡文章虛誤世間名同時書劍憐窮路異代風雲想
宦情敢道不才明主棄且將高枕報昇平

小集得深字酬某見贈

誰惜明時坐陸沈閑居歲二毛侵五勞長絕彈冠
事孤憤猶搖抱壁心帝里春光違伏枕海門秋色失

開襟遠遊幾許能裁賦却見交情爾自深

偶作

雨晴城外問風光報道花殘野草芳謝客青山曾躡
屐陶家濁酒懶盈觴人間物色三春雪病裏年華兩
鬢霜歲著書猶未就愁來坐見夕陽長

懷處文

故園秋色日蕭森感慨殊非坐陸沈彩筆難論千載
業斑衣且得二親心曲中流水思鍾子域內名山憶
向禽京洛亦餘湖海氣近來高臥有誰尋

和士清見寄

秋風颯颯滿樓前朋好相思感慨偏鴻雁雲開江月
夜薰葭露冷海門天河山無恙同遊地藜杖空期偕
隱年却愧呂安能命駕幾時多病滯舟船

送濱景邈歸近江余有遊近江之約

清時遠客滿皇州自歎歸期不可留杖履何年迎獨
往蓬蒿此地問重遊名聲誰許新詩調志氣俱高故
國秋知爾到來多別恨風烟咫尺幾回頭

送人之薩摩

風帆一片路茫茫，西海南邊南海傍。鄉里自憐多意氣，酒杯相語少文章。浮雲遙望三吳影，落日長看百越光。回首親朋書信斷，更悲京洛負青陽。

咏鴈

高秋八月雁來賓，雲雨誰憐苦此身。北海能傳胡地信，衡山難盡楚天春。東風影近林花老，夜月聲悲霜葉新。病客年々聽不得，何論萬里未歸人。

歲杪同田高二子分韻得青字

城中遷徙似漂零，到處蓬蒿便滿庭。着眼寧愁驅世

白遺書終見逐年青，郢歌下里稀相和。楚客明時有獨醒，不待官遊殊土倦。鴻飛來往向冥冥。

立春日懷處文

知君心迹共誰論，歲暮京城羨避喧。病裡立春愁兩雪，歸來作賦樂田園。相思命駕元千里，獨坐銜杯自一村。梅蕊柳條猶窈窕，看雲隱几向黃昏。

除夜同希勳賦

平生閉戶世情疎，此夜尋思感慨餘。綠鬢欲題司馬柱，白頭難就子雲書。烟霄事業榮相薄，湖海年華貧

自居不是同人携，作賦何堪病裏成。將除

咏鷺

百花如錦滿春城，幽谷憐君求友情。東海九旬何寂寞，中原萬里自縱橫。艷陽遠媚金衣色，細雨深含綠樹聲。誰得乘桴西指去，遷喬相伴見先鳴。

小集得霜字

裘馬翩翩滿洛陽，廿年書劍自彷徨。不將多病隨遊子，肯別閑居入醉鄉。蓬華同時俱玉石，文章異代問風霜。殘花垂柳春看盡，詞客相携感慨長。

又得還字

病來幽意滿青山，京洛烟花且駐顏。浪迹幾年稀戶外，浮名何物落人間。一時隱退心同異，四海交遊書往還。自笑梁鴻成感慨，五噫今向聖朝閑。

崇保法親王，小祥侍從管公賦詩以述懷舊之情，亦命鼎以賦之。

東海曾傳帝子才，鶴翎何處駕徘徊。百年多病違梁苑，萬里雄風失楚臺。門下長裾難自曳，山中叢桂誰開。莫論霄漢無空窳，此日春光授簡哀。

小集得波字

世事悠_二終_一任他陸沈寧，謂有風波烟霞幾歲停杯
酒衣帶誰人結，薜蘿四海交遊同調少，一堂還往異
情多，病來中散裁書懶，陌上紅塵柰爾何。

侍從管公有碧山樓，鼎受公知病未能造奉呈

一律

樓外秋光日，夜新登龍多，少客誰頻碧山迥，列開尊
座明月偏窺作賦人，北海清名風自古，武昌高興態
逾真，應憐抱病蓬蒿下，咫尺回頭獨側身。

得孔肇書却寄

窮冬一別幾年除，兩地風烟感慨餘，抱病人閣耽翰
墨，閉門心遠羨樵漁，青衿未厭塵埃滿，濁酒唯愁故
舊疎，鴻鴈天高秋不斷，登臨何處更裁書。

漫成

青春南畝不堪勞，幾度閑居感二毛，愁裡風光稀對
酒興來詩句謾揮毫，儒生一代聲名腐處，士千秋蹤
跡高，世事悠_二流水去，窮途滿地有波濤。

其二

年華病裏惜嗟咤，四壁秋風奈爾何。高臥無人嘲寂
寞，閑談有客任經過。異世功名瞪目遠，同時事業掉
頭多。山中叢桂花應發，招隱晨昏獨自歌。

中將藤公夙以詩鳴，鼎未得見而賜以詩，且見
索和賦以奉答。

翩誰似羽林郎，湖海俱知詩興長。閉戶不嘲玄草
白，開尊且問菊花黃。百年高臥疎人事，一畝閑居亦
帝鄉。處士病來星自暗，寧同三五清光。

新涼

秋天未散火雲奇，落日微涼病客知。河朔酒杯三伏
暑，漢宮紈扇一篇辭。杖藜山岳誰相約，燈火圖書獨
自披。悽愴寧須霜露降，候蟲終夜已參差。

奉賀侍從管公舉長君兼呈納言尊公

華胄千秋官世清，過庭多少鳳毛成。雲間堪擬龍群
起，日下先知鶴一鸣。着膝共須文若歲，與門獨許仲
弓情。明珠掌上春相媚，盃酒新正幾度傾。

送舟公錦歸播磨

薰葭江上露為霜，客子舟船去故鄉。離別百年愁咫

尺交遊一旦不尋常，豐城豈鎖青龍氣。合浦空知明月光，今日才高誰得意。為君慷慨唱清商。

寄公錦

一別衡門，雨雪侵重，來握手思難。禁文章已見千秋，意兄弟偏論四海。心杯酒往，還原自懶，梅花消息未堪尋。洛陽春色終同賞，鄉國何愁輶獨吟。

九日和篠士明見贈

九日登高難一丘，憐君載酒自風流。病顏對客羞佳節，彩筆驚人照素秋。城市寧妨來褐隱，蓬蒿也擬薜

蘿幽只言未似陶家興，籬菊花逢雨色愁。

寄公錦

洛陽春色問重遊，伏枕還逢鄉國秋。海上狂風鴻翼苦，牆東寒露菊花愁。酒杯無恙同青眼，杖履何妨共白頭。處處山川堪攬勝，不須扶病獨相求。

答福生見過

抱病栖遲市井間，著書誰笑聖時閑。金門近古無通籍，白髮終年自閉關。泉石千山堪畏足，烟花四野不開顏。相逢才調如君少，載筆何嫌幾往還。

奉和管公大雪見懷

梅花至後未堪尋，雨雪徒傷歲暮心。
夜色高低孤月黑，晨光遠近衆山沈。
貧來東郭行翻絕，病裡袁安臥轉深。
非有青雲投郢調，陽春何得入微吟。

奉謝管公雪中見枉駕

兩雪紛紛寒氣偏，蕭條病色有誰憐。
雲霄合授梁園簡，蓬華殊回剡水船。
瑣闥玉堂無挾貴，布衣韋帶共知賢。
空齋坐覺醇醪暖，也道陽春動臘前。

奉賀管公進四品

瑣闥年三領玉堂，朝班稍得近君王。
文章轉發龍鸞色，劍佩新遷鴛鴦行。
雲散青天竟日動，風和紫禁舜絃長。
不須楚調蘭臺對，好聽南薰向御床。

少將源公介博士管公見枉駕賦以奉謝

四壁同迎二大賓，翰林相慣羽林新。
尋常朝貴踈高尚，五七星光照隱淪。
錯謂風流標白雪，何知落魄苦紅塵。
即今湖海多才子，誰怪殊逢臥病人。

宮內太輔藤公從少納言管公同見枉駕後數

辱之賦以奉謝

朱顏綠髻少司空，瑣闥相將願眇同。
鴻漸參差分闕下，雁行蕭散共牆東。
已甘蹤跡衣冠隔，也使文章姓字通。
無那不才徒老大，勞君還往市塵中。

七言排律

題壁十韻

洛城詞客本田間，故國今無二頃還。
落魄未耽狂士酒，寐寥長閉老儒關。
人情河水終如帶，地勢伊流尚似環。
柱史勤二周禮，數吳公默三漢朝。
班弘羊寵厚，徒心計何安。
官成見路艱，姓字豈勞青簡載。
閭閻唯

識黑貂，閑困來羽翼鴻千里。
隱去文章豹一斑，養拙自看潘岳宅。
知音誰問伯牙山，秋霜日二侵玄鬢春色年。
避病顏感慨轉，思禽向跡可憐。
栖息且塵寰，咏松十韻應人需。

東風卉木競芳辰，最見青松絕等倫。
天霽高標閑塵尾，雲昏老幹起龍鱗。
流膏何必從金鼎，結實還應逢羽人的。
露光凌古栢，微二花氣傲幽筠。
歲寒偏益形容壯，雪滿翻看景色新。
波浪秋驚千樹暮，笙簧朝聽一株春。
棟梁材比中書器，夢寐祥開北斗臣。
處士

東晉書 卷之三
巖頭今偃蹇，徵君徑上表。清真徂徠已，頌曾歸魯秦。
岱休論輜入，秦孤節于今。誰得似崢嶸，終不染紅塵。

咏春草

春滿郊原草，接天日長風。煖蕪輕烟色，迷飛鳥晴山。
映氣撲行人，夕照偏湖上。瘴催三月暮，江南恨入六。
朝年共知綠，水文通別誰。解青袍度信，篇塚就琵琶。
聲一斷，洲荒鸚鵡事猶傳。王孫何處遊，無返詞客當。
時夢可憐，遠志好從高。臥裡遺芳，莫托獨醒前。落花
點，林園雨，感慨寧須秋露圓。

